



UPA 2017/103  
Nuuk, 16.05.2017  
Kelly Berthelsen

**Silaannakkut angallannermi kimmut aqqutimik ammaasoqarsinnaaneranik periarfissaq pillugu misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut, misissuinerup inerneru kingusinnerpaamik UPA2018-imi saqqummiunneqassaaq.**

(Inatsisartunut ilaasortaq Vivian Motzfeldt, Siumut)

Inuiaat kalaallit nunarsuatsinni inuiassuartut allatulli nunanik allanik niueqateqarnermik napaniuteqaleraluttuinnartugut namminersortunngorumaqisugullu namminersortunngorutta suli annerusumik nunanut allanut attaveqarneq pi-sariaqartilissavarput.

Napaniutissatsitut pingaarutilittut toqqarsimavarput takornariartitsineq. Qanorluunniit nunarput kusanartigigaluarpat, qanorluunniit takornariartitsinermut pikkoritsigilerualarutta takornariat pisariitsumik nunatsinnut tikittarsinnaangippata takornariat amerliartornissaannik ilimasussinnaangilagut.

Ullumikkut ajoraluartumik silarsuup ilaannaralannguanut toqqaannartumik attaveqarpugut, tassalu Danmarkimut, taamalu Europamut. Takornariartitsinermilli inuussuteqarumagutta inuit millionilikkaat kitinnguatsinniittut pi-sariinnerusumik tikittarnissaannut periarfissiuinngikkutta sianiilliorujusuassaagut. Taamaammatt kimmut attaveqalernissarput sulissutigisariaqarparput.

Aamma inuussutissarsiuutitsinni allani inunnt attaveqarluarneq pingaaruteqaqaaq.

Attaveqaatimmi pitsanngoriartoraluaqisut inuttut tikilluni oqaloqatigiisinnaaneq suleqatigiinnerni tamani pingaarnarpaajuuassaaq. Massakkut ilaatigut Royal Greenland Amerika Avannarlermut attaveqaleriartorpoq siunissamilu suli annerusumik attaveqalissappat suleqatissavut toqqaannarnerusumik attavigisinaasariaqarpavut. Tamanna eqqarsaatigaluguttaaq kimmut attaveqalernissarput misissortariaqarparput.

Aamma misissuinissaq matumuuna tapersersugarput aalisakkanik assigisaanillu toqqaannartumik tuniniaanermi atornerqarsinnaanersoq misissortariaqarparput.

Tassami assersuutigalugu Amerika Avannarlermi illoqarfissuarni kangiamiorpassuaqarpoq kulturiminnik attassiuartunik. Taakku uatsitulli nerissanik nutaggarinnik mamarisaqartuupput. Aqqutit pisariippata nutaggarinillu tunisassiortussaqqarpat ila immaqa akigissaartunik tunitsivissaqassagaluarner-sugut.

Tamakkuninnga oqaasertalugu siunnersuut taperserlugu pisariaqassappat ataatsimiititaliami itisilerlugu suliareqqinnissaanut ammalluinnarpugut.